

定峰

樂府

春湖題

下本




832787

定峰樂府

卷六

黑頭公

大中丞王胥庭老夫子四十壽



薰風播八埏，世運復當午。車書大一統，我

后仁且武，貢來重譯雉。苗格兩階羽，助勳集羣策。振挈

首三府，卓哉尹與陟。相繼篤殷祜，彬彬黑頭公。崧高誕

申甫。

帝曰飭紀綱，爲予弼展斧。絃弛若爲調，袞闕若爲補。公

拜承

帝命，綢繆徹桑土。青箱稟懿訓，白簡福下土。致賢先養

卷六

一

民，殿爭猛於虎。入告法舊章，九州甦疾苦。賤子菰蘆人，

虛懷勞吐哺。豈意璠璵貴，忘分挹砮。升堂拜大年，元

老推眾父。階前尺寸地，懷來許一吐。巍巍鼎鉉尊，藹藹

斑衣舞。世德承瑯琊，淵源溯鄒魯。遠過萬石家，言行並

千古。

天馬歌

賀學士蓼天宋老夫子得雄

天馬鳴，萬馬瘖。天馬驟，萬馬後。天馬友，麒麟與麟。天馬儼

風與雲，天行龍。地行馬，卑洪濛。隘彝夏，電光興。發承明

電光滅，過冀闕。天馬飲，飲咸京。天馬秣，秣崑崙。天馬朝

朝義，噉天馬。暮暮長庚，天馬秣。天池濱，驥雲衢。排帝閭。

天馬去太乙馭巢天閑返天署。

城上筳

城上吹筳樹上啼鴉敵在城外親在天涯。一解樹上啼鴉

城上吹筳壯士甲冑美人琵琶帥醉兮帥家。二解

大田歎

大田有螟騰豐歲無嘉禾人忽螟食少我畏螟類多一

螟食一禾禾存能幾何

寄託良深

汲井歎

鴟鬐女兒惜芳景手纈流黃紕修纆纆長百尺織龍盤

卷六

二

攜向銀牀汲深井井深纆短奈纆何獨抱金罍心耿耿

采桑女

朝出采桑暮不盈筐枝頭見葉馬上見郎。一解郎能不昏

妾不嫁嫁家近住南岡下。二解蠶與馬其祖者歸來見蠶

如見馬。三解

古別離二首

只道別離易送君南陌頭歸來逢日暮燈火照空樓

別君無幾時一歲一相送會較別時多三十六旬夢

薤露

薤上露日出晞人生不死皆安所歸。一解薤上露行復濡

構中形影弗俱

二解

人生有情死非所好北邙纍纍不擇

老少何不盛年時努力死忠孝

三解

人雖有情死不可愧

目睫蓬瀛狐疑不到何不盛年努力學道

四解

蒿里

蒿里誰家地縱橫多死人切莫欺死人蒿里復相親

一解

前有水後有山一入蒿里身永閒莫厭蒿里復走還

二解

牧羊兒

牧羊兒生齊東發憤欲爲天下雄家財助國開邊功奮

身父子死南越頓令天子猜王公四海苦虛耗一身已

尊崇吁嗟乎敗羣之羊安可畜畜之能使羊羣空輪臺

卷六

三

悔罪罪戎首會須殺此田舍翁

採蕨行

寄某公

採蕨採蕨腰鎌夜出完星千萬不及缺月

一解

箕山柴桑

得月皆秋近照陶潛遠照許由

二解

二月無古今常在代間

近照柴桑遠照箕山

三解

魚畜樹兮鳥棲泉仕不得志兮

不如歸田

四解

濠南戰

子戰濠南父死濠北白刃交前吞聲當哭

一解

日暮收兵

飲血歸壘剖肝祭父已非孝子

二解

何以享親敵將之頭

力戰滅賊不爲封侯

三解

焚黃告墓肘印如斗同伍健兒

幾人白首

四解

架上書

十三經廿一史牙籤滿架貽孫子胸中書少架上多君
其奈此孫子何君不見田間有子起白屋偏向朱門借
書讀

縛虎行

鷹飢附人虎飢怒白門縛虎等縛兔大耳劉公踞上座
布將騎公將步有何景升與公路丁原董卓皆稱父阿
瞞難瞞眼不瞞

阿房

卷六

四

阿房蜿蜒翳寥廓九州愁苦一人樂

一解

阿房有水波瀾

瀾匪水之波黔首髓

二解

阿房有山峰峨峨下有鬻饅百

萬多長謝版築聽笙歌

三解

山峨峨水瀾瀾羽騎飛馳報

天子李斯舞蹈趙高喜項燕扶蘇皆已死

四解

鬻饅聽笙歌翻極苦事為極樂奇刼乃爾

東風起

東風起茅屋破屋下有人白晝臥五車羅胸不醫餓西
鄰蕩子纔識丁汗透重裘擁爐坐

大麥行

大麥青青小麥黃丈夫斲場女採桑防營千騎早放牧

躡場齧麥如飛蝗，男兒釋廝淚如注。女子騰身上桑樹，急攀綠葉障紅裙。不然抱爾跨鞍去。

秋郊獵

秋風颯颯筋角強，將軍出獵南山陽。

解一焚狐得兔，鵲喜

馬怒，生狐之宮，死侯之墓。

解二豆青杭熟，村酒市肉，獵於

原，何如獵於屋？

解三車疲馬倦，旌悠揚，橐駝背曲歸斜陽。

猪雞鵝鴨犬犢羊。

解四

閨怨四首

歲歲從征客，遠州不愁君子不封侯。只愁肘印歸來日，賤妾深閨已白頭。

卷六

五

天桃千樹傍河涯，今歲還開舊歲花。秦女自來工擊缶，征人怪底不思家。

隴右銷兵已數年，傳聞夫婿去朝天。歸來賣馬牽黃犢，我儘君耕有賜田。

十年征戍去三秦，今日歸來已暮春。怪殺黑髯成白髮，相逢不是夢中人。

懷中鶴

鶴死懷中，天子怒。直臣有意彰君過，征遠若使凱歌還。墓碑長向荆榛小，遼兵百萬壓都城。石家少帝猶調鷹，莫言羽族纖微甚。畜向天家關廢興。

三帥歸

去年戰殺今年戰，彭衝秦鬼客死秦婦鬢。纍纍三帥還秦家，晉人喜秦人泣。勝負何須競日睫，君不見西戎霸後函谷開。年年蠶食食桐葉。

唐憲皇二首

共說蓬萊集禁方，欲將多壽祝陶唐。天厨酒釀金莖氣，侍女花沾玉杵香。丹竈生煙紅槿老，靈苗無種白雲荒。台州刺史新承寵，聞道詞臣有薦章。

崆峒迢遞見龍旂，漢柏秦松擁翠微。淮蔡功成閩左瘠，裴韋老去諫書稀。千牛暮宿星初上，八駿宵馳露未晞。

卷六

六

記得貞觀遺訓在，太平天子但垂衣。

宏音亮節而寄諷深婉，詠元和遺事逼真。元和體裁才大者固無所不宜。

螿之睚

少所識多所詡，汲谷漑蘭蟻慶雨。螿之睚列侯王，地大民少愁蕪荒。

隴頭流水行

隴頭流水流砢砢，遊子有口常吞聲。一涇不辭濁，渭不辭清。異源同歸，東下洛城。二洛城草移根向邊州，倍苦

風霜早。

三解

涼州行

二月涼州水草僂三年贊普不來朝天王按劍思揮鉞
宰相弛紳更佩昭事貴先聲遲類禡軍無後至會崇朝
夾觀萬姓聽鼙鼓祖道千官望錦標令簡中堅垂綏帶
降招塞外遣輕輅森嚴詩律賡宸製瑣屑邊情詢野藁
大將文章工繡虎參軍神矢妙穿鵬謳吟遍野桑麻盛
牛犢盈村刀劍銷青草百山驕白馬綠楊千樹間紅標
留屯積貯漕紆輓善後羈縻費莫挑金闕五旬飛露布
玉關十世靖烽燧名王徒設邀冠帶塞婦攜筐獻組綃
士樂不歌關雪苦師閒常見陣雲消由來不戰稱全策

卷六

七

銘勒戎臣志久要

由來不戰稱全策句乃作者精神注射處故題是軍
容劍戟題詩總作珮玉冠裳語令人想見孝文卻千
里馬光武閉關謝西域不受侍子之盛胸有全史乃
大許作此等巨篇

老成持重中抑何長駕遠御也竟使趙充國羊叔子
合爲一人覺廉頗李牧猶有糾桓氣在結搆渾成才
思壯麗皆餘事耳

哀商君

首級年年西入秦殺人眾者爲功臣商於南面五百里

六王愁歎一家喜鼎鐘歌舞獨自娛棄灰偶語皆伏誅
天道神明行及爾裂土未幾裂尸死繼君而起有董君
郿塢之富天下聞積金如山不買壽束芻爲炬臍中焚
君不見魏徵薨後遺宅賣天子贖之天下快但願四海
沐恩波大臣何必黃金多

一身送姜桐侯
之涼州

一身千山路窄天寬家食苦飢旅食苦寒一脫我做裘

念子衣薄聞道涼州霜大於礫二邊聲多秋客聽多愁

安得良工貌君黑頭三魏魏愁城孰破其堅與居張掖

寧居酒泉四

卷六

八

花開金谷歌

金谷花開錦步障齊奴速客盛供張賈謐車衝閭闔來
二十四友拜道上白苣杯槃互唱酬當筵頻斬美人頭
綠珠墮樓賓客散名園戚里成荒邱荒邱禾黍舞秋風
花隨五馬渡江東周郎偏下看花淚惆悵新亭落日紅

漢宮六歌

連雨獨飲無下酒物取班范兩書讀之歎兒女

恩怨之微動關天下大計歌成六章酒盡一斛

亦愁病中一快也末以馬后作結亦關睢之亂

之意云

呂雉怨

楚兵急躡彭城。駕孝惠魯元墮車下。跳身獨走。作帝王。滕公亟收帝。亟罵太公劉媪。猶分羹。何況區區兒女情。儲位不移。賴四皓。長主幾嫁幕南庭。帝薄吾兒與吾女。呂雉吞聲淚如雨。異時稱制報帝恩。幽殺諸劉王。諸呂。天冷眼覷來。能照高帝呂后之膽。

淮南封

博局殺人劉濞怒。七國連兵斬晁錯。梁王堅守睢陽城。吳兵楚兵敢飛渡。功高地大生邪謀。勝詭自殺太后憂。田叔苦將梁獄竟。斗粟尺布幾再謳。五子分封竇后喜。諸王從此不反矣。典午八王真可哀。紛紛逐鹿中原起。賈生痛哭空上書。主父推恩拾唾餘。兵威那可懾同姓。可憐十族徒捐軀。

伐貳師

未央宮前桐葉落。李姬泣訴家門薄。有弟承恩未得封。何不從戎同衛霍。夫人屢訴帝。屢諾軍功好。踐高皇約。傳聞宛馬肥高秋。貳師城內多驂騮。功成得馬兼得侯。天子善爲椒房謀。十萬人行千騎返。九州騷驛輸芻輓。帝念長征止錄功。廣利受封猶恨晚。一馬歸來千夫死。夫人夜半謝天子。貂蟬羽葆一家喜。戰骨宵啼啼萬里。

昭臺恨

孝武末年天下棘博陸受遺務休息滋培元氣甦瘡痍
四百餘年繇社稷泰山巨石一朝起病已龍潛在閭里
潛龍手挾作飛龍不辭震主真愚忠帝有糟糠帝忍棄
微時故劍歸中宮可憐大業崇朝隕妻顯邪謀千古恨
故劍摧殘主怒深誰道參彘起驂乘廢處昭臺祇怨嗟
成君空詫顏如花不如嫁與列侯第能使山雲得保家
驃騎軍功博陸勳嗟嗟漢室真少恩末年想亦悔彘滅
元功獨表圖麒麟麒麟空把形容畫何如完卵覆巢下
先朝賜畫畫周公伯禽有罪猶當赦

卷六

十

白紈扇

重黎肩班班德火帝教果侍赤龍左滔天禍水決宮堤
隔絕宮車闕宮鎖金颺相水水益驕過時紈扇空膠惚
齊紈齊紈爾徒潔不及華裾吐紅雪且依長信避金颺
炎精復然扇復出

班爲火趙爲水秋風爲趙紈扇爲班寫得五色灼爛

女堯禹

聯姻帝室人之所榮小者膺禍大者滅宗可哀也尤可鑑也故以女堯禹終焉

四皓避漢如避秦兩生禮樂不宥行客星垂鈞富春去
掉頭不作天子臣漢家輔相真無人無何近託椒房親
九重威福紈袴竊四海困窮宗姓滅大者潛將神器移

前莽後堅同一轍馬后神明早燭微預杜外家翦萌蘖
漢后豈徒訓漢主萬世遵循作規矩伏波戒子不戒女
早識閨中有堯禹

六歌字字有意義而筆老識高辭腴學富種種皆不
可及有如此下酒物百斛不厭其多

四立四美人詠

宣王王黃帝后嫫母

從來帝王系莫媿黃帝昌得姓十有四姓姓爲帝王甲
廢乙旋興縣縣亘無疆旁枝入四裔建號君一方何人
實啟之嫫母發其祥令德母寰區景福庇久長誰云嫫

卷六

七

也醜坤儀冠姬姜乃知大聖人擇配惟其良吁嗟代云
季冶容充闈房區區頰與笑往往關興亡

齊宣王后無鹽女子鍾離春

宣王王全齊後宮豈無人妖豔絕可憐姿容日鮮新如
何立談頃后此鍾離春鍾離憂政亂詣闕慷慨陳齊邦
旣大治餘威懾強鄰南能卻芊楚西復抗嬴秦卓哉醜
女功七雄無等倫夫差得西施蘇臺長荆榛開元化天
寶豈不由太真

梁伯鸞妻孟光

管鮑互相敬陳雷交相憐友誼比膠漆金石失其堅東

定峰樂府

卷七

楊白花

楊白花飛飛渡江東誰將野楊樹種向深宮中爾朱鐵騎斫宮鎖宮門夜夜然烽火莫遣楊花再渡江紅顏化作河中土

通篇詠靈后事此樂府中正詠本題者后爲爾朱榮

沈於黃河故云

定峰曰按南史楊白花魏武都將楊大眼子少有勇力姿貌雄麗靈太后逼而通之白花懼禍渡江降梁

卷七

一

太后追思不置自製楊白花歌辭使宮人晝夜連臂蹋足歌之其聲淒惋此樂府中楊白花所由始也袁海叟亦有此調曰楊白花飛入深宮裏宛轉房櫳間誰復能禁爾胡爲飛飛渡江水江水在天涯楊花去不歸安得楊花作楊樹種向深宮飛不去此樂府之正詠本事不用寄託者近見雲間三先生選明詩首錄此篇李先生舒章則評云相傳爲故君之思意特悲惋轅文宋先生則評云亦是晉宋間歌詞一派但其寄意深厚自是至性人語陳臥子先生評云感慨深長不知海叟此詩在三百篇中爲鶉奔牆茨之屬

義取戒淫，且題中明明有楊白花，其人何有於故君？
何關於至性哉？三先生才名蓋世，猶有此誤，甚矣樂
府之難言也。

去思碑

令公去日耆老忙，峨峨豐碑立道旁。廉明仁愛頌不盡，
高山流水風同長。後令去時碑，又樹前官姓名。斲磨去
羊公，再過襄陽城，獨對岷山淚如注。

畫西施

西施泛湖不復見，世世夫差想婉變。丹青入妙甦，傾城
憑空染。出春風，面經營，慘淡點雙眸。欲視不視，如有愁。
圖內鶯花圖外恨，攝入橫波一寸流。橫波眇眇神仙眷，
蘭麝不香珠玉賤。歡多偏憶舊遊顰，睡足更因餘夢倦。
從來絕色蕩人情，畫裏看來恨不生。爭教笑語蘇臺上，
不遣鴟彝見越兵。

號國開筵歌

國忠娶婦傾府庫，號國開筵聚紈袴。笙簫吹入九霄雲，
蘭麝散爲六街霧。馬嵬一旦誅賊臣，韓姨號姨委埃塵。
新婦去從廝養卒，朝汲寒泉暮采薪。采薪結伴城東去，
一片荆榛狐兔踞樓存。瓦礫草過牆疑是當年開燕處，

平津侯

卜式牧羊，弘牧豕。同時左右漢天子，芻牧何曾爲主求。
坐視蒼生溝壑死，東伐西征不暫休。紛紛戰骨蔽平曠，
庶長捐金易高爵。書生曲學邀封侯，漫道牧人同牧獸。
羊豕雖肥天下瘦，東閣招賢顏孔厚。漢廷誰出汲黯右，

御河擔水行

驅馬踏寒冰，冰漸馬蹄蹙。馬前擔水女，金蓮不盈掬。舉
止儼姬姜，哀哀路隅哭。自言家世紆金紫，父典樞機祖
內史。結婚嫁與列侯家，夫族豪華更無比。兒昔嫁當全
盛時，朱輪百輛天街馳。馬鞍粲粲千家錦，牛鞞垂垂五
色絲。香塵十里紛乘傳，從婢倩妝皆婉孌。橐駝腰曲負

卷七

三

金繒何限行，人生健羨泥金繡。閣鎖鴛鴦，夜夜笙歌咽
洞房。兒面平欺天，半雪婿衣時。染殿中香，妒寵邀歡心
懨懨。何期皓月有圓缺，近來憔悴憶當年。女伴分明爲
兒說，侯氏傳家恃寶刀。殺人愈多爵愈高，而翁百萬裝
奩費。一絲一粟皆民膏，兒愚兒幼兒嬌癡，鬼瞰人憎兒
豈知。但誇姻婭多貂珥，誰信人間有縞綦。冰山一旦消
炎午，苦害兒孫怨宗祖。可憐鳳闕棟間芝，化作龍城道
旁土。三族連誅婦女存，健兒給配感恩恩。爲覓糟糠擔
水賣，願將血淚灑權門。陵谷易遷天不老，富貴自來難
永保。不如嫁與田舍郎，白首相依享溫飽。

羊流叔子故里

王濬樓船下益州，順流縛取烏程侯。九重天子無他憂，
羊車竹葉宮中遊。蝦蟆一鳴天下愁，暮年更逐齊王攸。
平吳吳平得幾秋，中原逐鹿爭神州。瑯琊南渡馬易牛，
軍功此日桑榆收。嗟乎折臂三公真遠猷，釋吳爲懼非
良謀。

城西女兒行

城西樓高接嵯峨，關西馬高欺橐駝。樓頭畫棟五色備，
馬上裝鞍七寶多。關西將軍新奉調，城西女兒正年少。
馬上樓頭各轉眸，許心只在嫣然笑。寶鞭高擲入樓中，

卷七

四

恰中煙鬟一縷髻，珠簾欲下不忍盡。依稀微露櫻脂紅，
相逢相慕還相愛。金屋旋開遣求配，危妝銜飾送媒去。
還向閨中誇姊妹，紅燈十里沸雲謁。六市驚傳仙女行，
解鬟更梳三韓髻。吹笛愛作龜茲聲，綢繆赫弈人爭羨。
池上鴛鴦梁上燕，幾使人間癡女兒。倚闌不冑拈鍼線，
前驕老卒出幽燕。獨向旁人述舊緣，左右將軍吾最久。
花開花落看年年，將軍結髮年十五。細腰能向盤中舞，
一朝失意飲佩刀。馬革裹尸埋射圃，如花美人花遜媚。
將軍夜夜傍花醉，莫遣琵琶誤拂絃。玉顏頃刻尊前碎，
驟擁新歡喜欲狂。新歡便欲專君房，不愁桂子三秋落。

但願桃花四季芳

大船歌

大船峨峨高百尺。一艙之量千萬石。神龍爲友蛟爲奴。
馮夷海若凜厥職。朝發吳頭暮楚腰。天鵬海鯤共作息。
小器嘗須百眾移。有時泊向汀洲立。小船能載不能多。
往來便捷如擲梭。溝渠行潦罔弗入。益之升斗愁風波。
兩船相遇膠洲上。洲水深深深一丈。小船何智大船愚。
生來不識滄溟曠。少焉澤國雷霆鳴。水族百萬披甲兵。
千峰吞吐陵谷變。龍門禹穴洪濤驚。大船屹立如山峙。
小船縱橫如鼎沸。號呼何用且歸休。濟川安用膠洲器。
千百爲羣一可當。嗷呼而類來我傍。引爾安流泛溟渤。
莫向膠洲逞一長。

卷七

五

此宰相之言也。定峰識度於此可見。

太白墓

明皇顧宮奴怒。玉環妒四海飄零七尺身。千古才名三尺墓。
汾陽功是先生功。永王過豈先生過。我來一拜一
淒然。酒醒何處呼謫仙。江空山老月在天。

濡須六詠

濡須塢

呂蒙所築以拒曹操塢成操不能爭

濡須登登新築塢。曹公餘勇不復賈。吳下阿蒙力如虎。

大事糊塗那足數。魯公一短心良苦。唇亡齒寒倚車輔。白衣何用夜搖櫓。

此美築塢之功而深譏其敗蜀盟也。

蟻磯山上有廟祀漢昭烈孫皇后權之妹也倪從廟記稱夫人聞帝崩登此山哀慕殞

絕遂葬焉廟號靈澤

蟻磯屹屹截江路。漢帝靈宮隔雲霧。母后神靈濤水怒。西川心事江南慕。君不見秦晉交歡締兩雄。臨書落筆驚曹公。如何卽位成都日。不冊夫人正六宮。

曰漢帝曰母后字字春秋書法一洗諸葛入寇之謬。稱帝後應立孫后尤爲發前人所未發。

卷七

六

曹家山

魏武帝屯兵處下有東西兩關吳魏各踞其一相拒者四十年上有武侯魏武

二祠魏武祠今廢

東關西關兩隘口。曹家孫家畫界守。虎戰龍爭四十年。此地終爲孟德有。漢家丞相再出師。如龍如鬼生同時。一樣遺踪須塢上。行人只拜武侯祠。

芝山

皇祐間產芝三百五十本州守茹孝標獻諸朝遷秩江州太守州有稻孫樓米元

建章

皇祐間芝生山。臣孝標獻諸朝。此芝偶出人稱瑞。何如稻孫歲復歲。我聞商山四皓日。茹芝當時天子知。不知定峰曰按宋史孝標獻芝仁宗以豐年爲瑞賢人爲

寶御之不受而免孝標罪前年余預修無爲州志則
有遷秩江州太守之說史與志必有一是豈史多緣
里飾而郡邑之志反爲實錄耶

貴人東拜石亭

在州解米元章袍笏拜石處

昂然一片石獨立清池邊
偃僕屈膝向石拜爲問米公
顛不顛君不見宣和之末天下亂
良嶽嶙峋插霄漢當時多少衣冠流
袍笏趨躄拜童貫

講書樓

謝疊山先生寓濡講書於此

文山死疊山死杵臼程嬰其青史
宋社墟元社墟此樓獨存因講書生
平講書講何事噫嘻吁趙家承旨不識

卷七

七

字

濠泗

讀明太祖御製集

濠泗真人是聖人
武王而後足傳薪時兼德位三俱備
功與文章百樣新
同是卜年卑漢宋暫時混
壹笑隋秦布衣三尺從前有
獨許超羣更軼倫

旅店吟

貴人東朱輪怒馬生雄風
富人西重車細載亘長堤
閭里聚觀問郡縣
主人倉皇呼殺雞
書生不貴亦不富
瘦僕蹇驢隨道路
主人殷勤扶下車
車中行李兩束書
手指繩牀命客坐
沽活市脯皆徐徐
當墟睥睨坐不起
客

言今夜當宿此姑向厨中煮器水
肉眼炎涼非老於道路者不知卽知之亦不能言之
委曲詳盡乃爾

射雁

西風落雁羣
磬磬下平野
就中聲最哀
應是孤飛者
射雁不射單
憫其無所依
莫將雙雁射
定有一孤飛
斷腸花發古牆圯
底事看花淚
暗拋記得種花人在日
病中猶遣侍兒澆

山東道中
哭哲人兄

卷七

八

孤雁鳴我心
驚雁悲猶假
哀鳴訴我悲
何限徒吞聲
不如枝頭小黃鸝
朝同飲啄暮同宿

猿豕歎

時人有父葬十年不一展墓者

老猿死葬南山側
小猿捧土加寒食
手攜樹葉蓋墳頭
今年積雨墳多溼
豕旁一冢土半頽
十載望兒兒不來
可憐冢下長眠叟
一聽猿聲一度哀

商山操

秋風微微秋葉不飛
稻青芝死四皓苦飢
赫赫李斯方執秦權
牽黃臂蒼父子爲懽
咸陽熒熒百家以焚
園綺老儒漏網不阬
天無治亂月有圓缺
前星黯然叟當一

出

缺月

少年看月畏月缺老年看月畏月圓月缺望其有圓日
月圓使我心悽然月光炯炯無不照曾爲伊人照年少
伊人年少不再來中庭獨鶴空徘徊

練氏孤

有引

閩先達謝在杭先生送練中丞遺裔歸家一詩
最爲感慨其詩引曰方成祖之誅練子寧也閩
門荼毒獨有侍婢抱匱歲子匿民間得免展轉
入閩爲人傭保六世孫綺者爲新寧陳孝廉掌

卷七

九

書記萬厯戊戌孝廉公車入浙有江右生同舟
先一夕生夢練公持刺拜己若有所託心異之
比入舟見書記侍側雅哲不羣指問何姓答曰
姓練生心動叩之曰得非吾里練中丞後乎綺
不應而流涕被面生益疑駭窮詰之具得其狀
以百金爲贖孝廉不受遣綺綺不宥行曰以死
殉國人臣之常且九族赤矣歸將何爲生益賢
之歸家具白當事者以幣來聘授以衣巾俾奉
公祠官爲置田廬百畝一時聞者莫不歎息泣
下以爲天道有知云沙子曰此詩作於崇禎時

其事奇其詩亦奇惜軼江右生姓名耳其在於
今則更有可感者予作一詩悲之

金川盜開城不守燕王闌入皇帝走陳瑛獻策殺忠臣
一家死者常百口子寧若在我用之王心雖悔悔已遲
覆巢自分無完卵閩海天教寄一枝鬼餒廬陵二百年
忠魂默護孝廉船一朝血屬拜祠下無數行人哭杜鵑
數畧截流天不許杞國雖微猶祀禹誰澆麥飯赧王陵
獨對遺編淚如雨

楊子雲

白首猶投閣違心著太玄劇秦不劇漢吾謂子雲賢

卷七

十

秦皇求仙歌

瓊花無果石補天月裏嫦娥常獨眠麒麟少翼鳳缺角
那能天子兼神仙

祖龍厭作寰中主徐福翻成海上王應有列仙蓬島上
羨來此地作秦皇

天子與神仙易地則互相羨諧甚達甚

女侍郎

長姊奉先慈之教性貞靜嫁楊名震震死撫子子死撫孫苦節三十年以壽終貧不

獲旌爲賦此詩

楊家寡婦婺星光夫亡子死餐冰霜雙棺一穴埋鴛鴦
墳前蔓草芝蘭香君不見二帝宮車出汴梁舉朝羅拜

張邦昌姊兮姊兮李侍郎

無賴賊

無賴賊毒於鼠難當賊猛於虎大將軍麟之輔虎不食人不愧從麟麟不馭虎虎也狗伍

宇文來

宇文來斛律珍病入膏肓戮和扁猛虎殺麒麟騶虞空扼腕誰助虎者鷹與犬

蠹木蟲二章

蠹木蟲爾何愚呼羣聚族依木居木脂既竭焚爾軀茂林有好鳥深水多肥魚疇令苑爲枯使我憐爾危爾恨

卷七

七

爾無從告爾長歛歔吁嗟乎蠹木蟲爾何愚

樹蠹窟樹心讐樹速樹朽樹朽摧爲薪爾窟竟何有不如留樹活須臾爾亦須臾全爾軀我欲告蠹蠹不悟安得死樹之中有生蠹

蘧蘧歌

城東公子愛馳驅城南丈人愛著書一言公子爾何苦

一謂丈人爾何迂二豪相讖不相下請君聽我歌蘧蘧

丈人且閣筆公子毋膏車百年會有盡安用東岱西華

北恆南衡勞而軀萬劫會有盡洪荒亦須臾安用十年

賦三都百代傳子虛不如莊生蚨蝶遊華胥羲皇之上

樂有餘二豪汲汲真隙駒

定峰好遠遊尤好著述忽作此歌殆悔而欲息乎
杜重威椒房親馮侍中社稷臣天子高枕臥將相皆得
人橫磨十萬成戲說孫兒新婦俱蒙塵乃知富貴須與
天下共疏賤之人亦可用
老夫生長澄江上見慣長風破巨浪一年幾度孟婆驕
漁村艇戶增惆悵今來作客濟南城去海猶賒十日程
臧山搖嶽蛟龍怒耳邊日夜波濤聲塵埃蔽空白日紫
亂雲稠逐紛於紙回憶春江春正濃輕颺麗景天如水
老將告身易酒話斜曛年少曾空冀北羣換馬歸來新試曲
射鵬纔罷又論文貂蟬恥竝中涓賜虎節曾經內府分
今日霸陵愁醉尉當關不數故將軍

卷七

七

上圃草務盡中圃草務稀下圃無嘉蔬膏腴成蒺藜蒺
藜轉荆棘力能拒鋤犁雨露叨天恩脂膏竊地肥天天
桃李蹊化作莽與蕘旁觀苦歎息下圃猶執迷我手無
斧柯對此空慘懷

青州秋靈歎

秋風吹衣衣莫補秋雨索米問米賈田中新禾半成土
官家舊稅急於火秋雨秋風愁殺我寒威一夕遍齊魯

李頭陀

崇禎朝太常供
奉年八十餘矣

鬢髮白髮滿頭髮會抱雲和侍至尊慣為民愁停內宴
每因盜起鑿凶門百勞舌巧翻新調杜宇聲哀念舊恩
莫唱開元供奉曲當年耆老幾人存

桑寄生

小草本無奇特以寄生寶馬上誰家兒容顏白皙好新
銜晉羽林錫爵自襁褓兒豈生空桑桃蟲化飛鳥為問

卷七

三

生兒翁乞身作傭保

執金吾

廢宅在青
州益都縣

廢宅荒涼閱幾秋鄰翁猶話舊風流頻邀七貴開春燕
更挾三姨續夜遊玉砌蘭摧巢蟋蟀金閨柳秃叫鴝鵒
當年多少窮途客懷刺逡巡未敢投

大峴山

在臨朐山極險固穆陵關在其
上南燕棄而不守其國遂亡

賜履南陲舊有盟巍然大峴聳齊城羣山聚作重關險
千騎能當十萬兵獸見南郊天命去

獸如鼠識者以
為亡國之兆

鹿亡東晉戰功成

慕容超據青州號
南燕南郊日見大
滅姚泓遂篡晉祚

時清豈復容分竊莫信泥丸起戰爭

敲金戛玉之什結處大義凜然

文官果

唐德宗奔奉天民有獻此果者帝喜欲官之納陸宣公諫止後人因以文官名焉

建中天子惜名器矧印躊躇忍弗畀但聞債帥出中涓
偏吝高班擢朝士一朝播越奉天城貢獻中絕豺虎橫
王侯將相賤如土倉卒授人人不榮六師戮力破朱泚
捐軀百戰報天子獻果得官何易哉誰人官為君王死
鑾輿拭淚返長安酬功起廢何紛然時平追恨罪己詔
陸相忠州貶十年

卷七

古



續金匱王...

Faded vertical text columns on the left side of the page, mostly illegible due to fading.

定峰樂府

卷八

古器物詠三十首

舜五絃琴

解民溫阜民財聖人德天子才絃安揮舜復來

許由瓢

萬乘兩屣九州一瓢天子揖讓處士逃吁嗟乎穎匪清

兮箕匪高

季札挂墓劍

一劍挂墓徐君不朽君子之贈天長地久

卷八

一檢掛孔子轍

一車兩輪靡國不到日月經天蒼生仰照

荷蕢蕢

隱荷一身聖荷天下山非不高不及地大

漢高祖斬蛇劍

籜冠亭長真英雄手提三尺屠龍澤中小試白蛇死

四海咸歸赤帝子劍氣何如王氣高斷贏斷項如斷蒿

此劍若落荆軻手白蛇蜿蜒大如斗

高漸離筑

萬乘吾讐匹夫吾友讐不可赦友不可負神筑所擊靡

堅不毀強失全秦貴失天子卓哉高漸離至今猶不死
藺相如壁

秦燄燒空來抱薪難救火區區十五城當世誰計數勇
哉藺大夫一身當萬虎

項王舟釜

秦兵吐氣吞九州卿子冠軍何太柔破而釜沈而舟夫
雪憤人雪讐滅秦興漢第一流剖符當右淮陰侯

張良錐

張良復韓讐趙高雪趙恥等是滅秦心人品天淵矣良
如龍高如鬼

卷八

蘇子卿節

飢不食漢官粟渴不飲漢地泉孤身萬里四顧茫然懷
中抱此節此節臣之天恨不繳節先王前官爾典屬國
好官不過多得錢

嚴君平簾

簾內義皇簾外漢一簾之隔今古判與臣必言忠與子
必言孝如何莽大夫不受先生教

嚴子陵釣竿

漢家廉恥中埽地四十萬人頌新帝先生一出洗此羞
潛扶社稷四百秋漢粟漢食無可恥夷齊何必采薇死

首陽山富春水

梁伯鸞杵臼

朝齊眉莫齊眉杵聲登登眞唱隨巍巍溪上山湛湛溪中水先生之心正如彼寧友皋伯通不臣漢天子

姜肱被

當塗煮豆豆爲泣八王爭被被全裂從來勢力薄天親不及姜家手足眞君不見花萼樓中作大被祿山兵來三哥避

吾乃知富不如貧貴不如賤矣

孟敏甑

卷八

三

漢室如甑爭拾其破操權紹術表繡璋布卓哉孟公棄之弗顧

管幼安木榻

歆仕魏亮相蜀遂亮苦無階侶歆義不辱一榻潛身四十年不言不笑如對天二十四帝臨榻前

幼安萬世高品此一詩曲爲寫照可稱知己

禰正平鼓

魏臣躑躑趨魏府漢家鼓吏來擊鼓鳴鼓罵賊誅賊腑吾不殺汝畀黃祖一腔熱血灑漢土前答高皇後光武如此說來眞覺正平一死重於泰山荀文若鴻毛矣

諸葛武侯羽扇

炎精奄奄扇發其燄劍閣巉巉扇闢其險操逃火權望
風諸葛君真英雄

謝安石展

展下東山符堅死圍碁決勝折展齒展出新亭死桓溫
手版不倒晉社存卓哉此展係蒼生虛名愧殺殷深源

王景略畚

畚燕畚涼秦日以強臨沒拳拳莫畚晉疆捫蝨軍門三
秦豪傑忒矣桓溫以才子敵

陶靖節無絃琴

卷八

四

巍巍乎寄奴岠洋洋乎寄奴水撫無絃寓深旨琴之妙
盡於此

乃歎靖節琴在伯牙之上君其陶之鍾期乎

郭汾陽胄

安社稷定宇宙天以下仰此胄陣前釋胄示公面萬眾
歡呼罷征戰此事從來僅一見

段太尉笏

笏以書思對颺天子忠義奮激用擊賊泚萬乘播遷職
誰之以恨不此笏先擊盧杞

武穆旂

除敵易除奸難敵如石奸如山盡忠報國岳家旂敵中
君相能深知

姜后珥

脫簪佐中興任姜家法在猶有裂繒人一笑致傾敗吁
嗟淑德邈難再武去韋來何足怪

孟母機

子曠學母投杼七篇書功配禹一母兼父師千秋作規

萬

秋胡妻筐

姑需餐蠶需葉妾身旦旦攜筐出艱難寂寞有誰知兒

卷八

五

夫歸來爲夫說

班姬扇

班姬執扇明如琵琶長信雖近等天之涯承恩卻被蛾
眉妬不如早受畫工謀

梁夫人鼓

婦人在軍中鼓聲多不揚從來繞指柔能鎔百鍊剛虞
兮虞兮帳中舞拔山英雄淚如雨君不見梁家紅玉親
擊鼓一鼓軍中騰萬虎江濤轟轟歷今古

三十首具大感慨大議論借器物發之有如謠者諺

者古銘辭者諸子中質奧者無關世道則不之及詩

才史識允推此老

叢冢

麟閣勳垂史沙場骨化燐眼看新舊冢無復漢唐人

巢林燕

巢林燕巢林燕私不識梓澤園公不識昭陽殿烏衣古
巷多變更密林茂樹森清陰猶能庇爾風霜侵爾不見
中原連歲戰爭處千里蕭條無一樹

畫馬屏風歌

我昔少日見馬少南騎一疋金百餘騎師調習鞍鞅歷
和鈴鏘鏘鳴路隅權關使者官京甸

謂鄉先達曹子玉先生

好事

卷八

六

挈歸代北駒父老縱觀歎希有畏其騰突驚鄉閭比年
見馬日益眾千乘萬騎行通衢遂令天下畫馬家競作
大腹與肥軀此圖所畫騏驥少骨幹強健意氣麤四其
足二其目行如奔濤馳突赴荆門止似萬鏃飛蝗捲首
楛吁嗟此馬若非屏上看能令千里廢種稔昔聞闔塌
天投鞭塞函谷血流赤涇渭棧樾尋人肉又聞張獻忠
驍騎蹂全蜀千里成牧場髑髏滿溝瀆四方畏馬如畏
虎幸際

熙隆享平福東南鯨鯢猶未斬連城相望元戎纛

廟謨豈不哀民瘼建威遏突須騏驎羽檄急催十郡芻

一槽或盡八口粟彭彭上駟畜馬肥馬肥未免蒼生哭
節其勞逸時飽飢安得人牧如馬牧此圖可觀復可感
莫媿韓曹較遺躅吾願煙烽處處銷收拾騰驤歸尺幅
馬上得之不必馬上守女織男耕調玉燭

才情奔放如天風海濤不可方物

郭汾陽凱歌八首

轅門畫鼓響逢逢露布朝天更不封左右押牙同日發
西川靈武兩飛龍

烈烈邊風捲大旗漁陽三月雪花飛一封丹詔頒春至
盡遣軍中卸鐵衣

卷八

七

大賚長安帝澤賒輓漕十萬賑同華軍營別貯三千斛
遍賜姚崇宋璟家

生還鐵騎幾千羣麟閣誰當第一勳百戰自應酬聖主
元功還擬讓監軍

千羣芻秣散郊畿號國堂中草最肥飽飼健兒休駿足
蜀中迎取上皇歸

號國句何限滄桑堂中草肥極敗興事卻是極快心
事軍中無不歸心上皇當是汾陽忠義之感

轉運江淮斗一千關中自古慶豐年令公饒有安邊策
戰士分番墾棄田

興屯田則有利於國墾棄田則無傷於民此軍國大計趙充國以之佐漢棗祇以之佐魏袁紹諸人皆不知也非真經濟真讀書人饒歌中安能及此

雕輪百輛賜軍裝手詔頒來日月光莫道功成無上賞偏裨一半是侯王

魚書昨夜報回兵收拾軍裝取次行大將又擎黃鉞返山人慣著白衣迎

以鄴侯作結言郭公功成之繇與毛詩張仲孝友同意擬此題者無慮數百家八詩雄偉典麗字字盛唐可稱壓卷

卷八

八

登高山而望遠海

登高山望遠海蓬萊不可見光氣何靄靄樂大初膺五利封徐福自作東南宰秦皇漢武忍死待君不見天子可長生堯桀至今在

鑄錢引

村墅老翁稀入城入城正遇官行刑纍纍束縛類狐兔血肉狼籍尸縱橫此人何罪官弗憐鼓爐私鑄壅官錢翁言我昔方少年官錢美好緡一千輪肉周厚體肥白民欲盜鑄何利焉銅山近日產銅少官爐鑄錢不好鵝眼刀環小復輕局工監鑄家家飽官私無辨鑄益多

利重生輕奈殺何可憐刑賤不刑貴赤子何知投網羅
若移此刃刃官鑄仁看千里清黃河

曹節婦

節婦蔣大參謹妹
生員曹起鳳妻

夫死妾亦死妾能成名夫無子妾存子亦存子能成名
夫如生夫死不復有夫子長復有子妾報妾夫心盡矣
六十年一日耳

黃孝子行

有引

孝子名向堅字端木崇禎末父由孝廉授雲南
大姚令挈母弟往易代後淪落不得歸孝子痛
焉辛卯冬拜墓辭家徒步萬里出入煙烽亂離

卷八

九

豺虎荆棘中遇兩親於白井歸而無資又徒步
五千里有奇丐資斧於大姚之門人乃獲以肩
輿奉兩親歸吳孝子又徒步萬里隨之歸往返
二年徒步二萬五千里開闢以來未數數見也
吾師張西山先生督學三吳以純孝旌余聞孝
子事肅然起敬賦此贈之

吳中尋親黃孝子徒步二萬五千里往來豺虎荆棘中
出入干戈盜賊裏滇南萬里戰血燐形影相弔二老人
子不能來我焉往分將骨化滇南塵夢魂夜夜還吳域
合眼便看兒在側夢歸容易真歸難兒存兒亡兩難測

十年烽火塞天陲。豕蛇橫野山崔巍。人耶鬼耶疑骨肉。
倚閭鬻指將何爲。一朝喜子從天降。父猶矍鑠母無恙。
喜極翻教涕泗漣。縱不歸吳情亦暢。兒鬻兒瘠感兒翁。
兒衣破裂兒母縫。相憐相慰竟日夜。何計能令馬首東。
父橐蕭然兒橐罄。窮途寥落誰相贖。崎嶇更歷五千里。
遄歸白井修溫清。柴車載得二人回。車後星馳有草鞋。
傾國縱觀父老泣。何人毛裏不興懷。古來孝子多尋親。
近或千里遠百城。似君辛苦開闢少。卓哉奇孝動鬼神。
同時恨不識君面。遙聞高誼皆霑汗。小人有親何處尋。
夜臺渺渺難重見。孝衰妻子近俗囂。堂上閨中萬里遙。

卷八

十

興慶重華咫尺近。唐肅宋光多不朝。聞君大節應生愧。
頑廉懦立爭者退。大舜曾參豈獨賢。景星卿雲不爲瑞。
擔當名教在一身。愛莫能助勞我心。吳山峨峨滇海闊。
千秋萬世縣芳聲。

麥藁歌

有引

孝烈龔氏龔能女。江陰人。十七嫁劉玉。玉孤貧。
龔歸竭力佐養。事姑以孝聞。未幾姑亡。傾家買
棺以葬。未幾玉又亡。無可易棺。里人假義欲棺
之。蓋多婦色也。婦力辭。知不免。乃寄所生三歲
兒。六歲女於母家。夜積麥藁自焚死。質明發燼。

雙骸宛然弟龔廣缶貯而合葬之墓在順涇河
北識者謂死兵死縊死水皆可死死火最慘婦
乃忍爲至慘者欲并焚夫尸也前邑令元陽李
公碑其墓曰烈婦龔氏麟陽趙公上其事於行
臺以貧賤勿獲旌事在成化甲辰西郊王君兒
時識墓處懼久而遂湮表其踣於二百年後徵
詩弔焉屬余爲序余名之曰麥藁集哀其志也
茲詩詳序梗概以俟立言君子共揚幽芳云

麥藁麥藁爾何烈煨就貞骸脆金鐵從來忠孝與節義
蟠結八荒綴六合假令天下無斯人燭龍僵死鰲足折

卷八

七

龔能有女顏如花十七嫁向繩樞家生來不識脂粉面
身懸鵝結鬢堆鴟相夫孝養養竭力十指勤劬覓衣食
藜藿年年塋畔挑杼機夜夜窗前織一朝姑死家無贏
買棺殮姑家已傾貧極可憐病又至阿夫早晚隨姑行
牀頭喚夫夫不語牀下呱呱兩兒女摧心獨痛鬼神知
中夜旁皇淚如雨里人假義欲棺郎棺價無償身可當
吁嗟一棺值幾許遂令烈魄歸黃梁夫尸暴臥子索食
生離死別兩惻惻殉死何人哺阿兒顧兒何策埋夫骨
斷腸百計復千思母氏家堪寄此兒臨行飽喂阿兒乳
明日飢寒誰得知麥藁潛移環室布危妝正襟傍尸坐

午夜轟然一炬焚質明兩骨同牀作哀哉貧極不能棺
夫婦同將一缶安順涇河北瓊枝瘦六月江濤過墓寒
我聞神仙有尸解烈焰中間任瀟灑常山寸鬢睢陽刑
與姬同轍歸瀛海麥藁麥藁豈常材何異九天鸞鳳來
卻因弄玉引簫史一時俱上凌虛臺元陽李君麟陽趙
短碑再表貞姬兆百年狐兔竄蒿萊纍纍沒向荒邱道
烏頭綽楔丹堊新處處旌他闕闕未聞將相公卿第
夫死卻愁妻嫁人麥藁麥藁漫於邑遺詩百篇成一集
大言觸物金石開小言通幽鬼神泣朝旌不入貧賤門
詩歌不諛富貴壻我歌麥藁慰爾骨傳與將來細討論

卷八

三

拆屋

拆屋拆屋寡婦夜哭百金構三楹換得十斛粟半入天
家庾半飽里胥腹明知露處不敢愁且與孤兒解桎梏
村村拆屋醫眼前今年屋盡奈明年燕巢林木百姓散
誰爲天王耕石田

有所思

有所思乃在瀚海之濱蓬萊之山神宮直上九千仞星
辰躡壁樓參天中有絕代人。不食亦不眠。香玉琢爲肌
紺雲翦作鬋。坐臥日月上。游戲煙霞端。一斝五百劫。小
醉三千年。厭看天上雷霆篆。喜讀人間冰雪篇。何以結

殷勤貽我丹。一丸餐。一丸身。若羽凌風雲。倏遐舉。我所
思。兮。真我侶。睢鳩關關兮。所求徒淑女。

白豆腐

金風潑露露不晞。吹月入林聽搗衣。紛紛亂葉棄柯下。
啞啞驚鳥挾子飛。噫嘻吁。九州征戰苦。別離鋒鏑飲人
甘於飴。王家浩蕩息物力。鷓鴣鷓鴣猶雙棲。搗衣石不
可轉心。日親人。日遠空房燭。暈蛩啣啣。搗衣搗衣搗竟
夕。焚香拜祝月光佛。來生莫作有情物。
思不淫。怨不怒。此詩有焉。

白豆腐

有引

卷八

三

古詩人無作豆腐詩者。鄙其物之賤歟。抑惡其
有儒者氣味歟。夫方州所產。易地或亡。是物也
無遠近。中外僧俗貴賤貧富之殊。莫不厭飫其
味。物足以厭飫天下。亦可忘其賤矣。攢不入詩
豈人情也哉。蓼園孔翁久客余家。時時出豆腐
餉之。翁喜作長歌紀其事。余從而和之。意古今
作豆腐詩者。自余與孔翁始。

白豆腐愧素餐。譏鰵魚笑熊蹯。淡如君子交。藹若仁人
言。廟廊誰復識。此味祇應野叟侑清尊。白豆腐味太玄。
腐儒與腐臭味連。麤吞細嚼腹便便。食爾不尤人。食爾

不愧天君不見五侯七貴陳廣筵。一盤珍羞費萬錢。瘡
痍四海誰解憐。惟有食腐之人心愴然。心愴然。口咄咄
手援天下力空竭。還攜豆腐佐螺觴。與翁共醉今宵月。

蒲柳行

朔風猶秋聲。木葉未全脫。此時柳與蒲。憑陵傲松柏。

卻老歌

時人有從方士學長生術自詡有
得者作此戲之未幾其人果死

神蛟畏巖棲。駿馬怯登航。粵鳥不識雪。夏蟲難語霜。可
憐越溪女。吳宮變新妝。夏姬三少有。幾載漫云已。得卻
老方。後來歲月正茫茫。

元麥行

卷八

西

去年麥貴斗二百。壯夫去作溝中瘠。今年麥賤如泥沙。
二百青錢買一石。麥較去年十倍多。農家血淚猶滂沱。
私門子母官家稅。需此賤麥麥幾何。麥貴麥賤俱不好。
十年難得一年飽。傳聞債帥買娉。婢明珠十斛。還嫌少。

東家女兒

西家女兒嫁富人。綺羅環戶金繞身。持籌握算不暫息。
偶閱詩書夫壻。嗔東家女兒嫁貧士。夜織流黃朝煮字。
早餐纔罷旭日斜。冬衣未授嚴霜至。一誇夫壻好讀書。
一誇姑舅踞華居。黃蘖將來傳白蜜。甘苦相懸百不如。

飢鷹

割肉養鷹鷹已飫。拚飛更向高枝住。此鳥猶稱羽族良。
飢時附人飽颺去。君不見飽鷹能報養鷹恩。攫攫中庭
啄珍樹。

照膽鏡

明鏡縣時照莫逃。帝聰真是察秋毫。宮人邪正成何事。
何不將來照趙高。

咄咄歌

百里七十餘。霸秦功何高。假令六十死。朽骨埋虞郊。西
施入吳宮。豔名播天下。越王如不采。覓箇村夫嫁。咄咄
復咄咄。人生如花飛。高者入座低。沾泥紅粉每遭妬。英

卷八

五

雄多數奇。當熊恰值。傅后怒射虎。不過高皇時。君不見
貴主生來金屋裏。金繒百萬治簪珥。又不見金張小侯
執袴子。坐擁封疆數千里。

定峰樂府

卷九

仙佛歌

仙家尙清淨，佛氏渾窮通。衣食旣已息，骨肉將安庸。持論誕以夸，千古爭推崇。何不持此言，合辭丐天公。堯舜永不死，百姓皆喬松。天無旱澇災，物無蛇虎凶。任子老桀紂，卑官縻驩其。牛羊視麒麟，鋒鏑成鐘鏞。桃李四時開，菽粟千秋豐。終歲皆春和，無夏無秋冬。此策若見用，萬禩長融融。儒者言論拙，籲帝帝勿從。願叩二氏祖，建茲百世功。生民敬仰久，下報斯最隆。何必度鬼神，恣臆

卷九

談虛空

弘光元年謠

弘光元年多貴人，輿儻臧獲皆搢紳。羊頭羊胃不須爛，小官大官予告身。不論人才論賄賂，文作丞郎武都護。斜封墨敕到家庭，里巷喧騰親戚賀。高車怒馬何昂昂，摧抑絳灌羞班揚。一家歡喜一路哭，朝右輸錢闕左償。宮中一夕走天子，郿塢城崩董卓死。至今市井屠沽人，曾向當年珮金紫。

李虛行

方士言李林甫盧杞皆仙人暫謫不久當復上升詩以闢之

李腹劍，盧藍面。生爲奸佞臣，死登蓬萊殿。神仙若容如

許人頓令志士羞飛昇。奸人傳會媚權貴。勿爲簧鼓消
天真。爲臣盡忠子盡孝。金丹不煉延千春。

古別離

酌美酒。椎肥牛。步障十里笙歌愁。今夕何夕。送君遠遊。
煌煌京洛道。相逢盡年少。一笑君忘客。再笑君忘老。君
去何所憂。送君之人憂白頭。

子嬰哭

趙高族子嬰哭。寇從東來鹿不觸。安得一丸泥爲余塞。
函谷六王怨鬼俱吞聲。沛公長者赦不戮。楚雖三戶必
報秦。莫怪重瞳肆荼毒。

卷九

出塞

白玉飾馬鞍。黃金裝馬鞭。馬年容易老。乘馬莫年年。

入塞

白玉築侯堂。黃金鑄侯印。侯功蓋九州。貪功更前進。

二詩可爲千古善保功名者誠道德五千之旨約之
四十字中胸有全史

楚江

懷郁東
堂楚遊

楚江昔歲采芳芷。有客贈我畫山水。山如衡嶽水瀟湘。
一幅鵝溪二千里。中間黑子等浮漚。云是漢東黃鶴樓。

九月九日樓中客。應把茱萸插滿頭。

寶刀歌

天策將軍佩寶刀。上鐫日月雙輪高。水斷蛟龍陸搏豹。
羣雄芟刈如蓬蒿。一揮千里盡流血。獸奔鳥駭神鬼號。
陣雲戰霧愁黯黯。英光閃鑠衝旌旄。吁嗟寶刀天下少。
英雄藉爾成勳勞。此刀若復盡神技。山獠穴狄何從逃。
請向寶刀銘四字。神武不殺真人豪。

結得愷惻鄭重如此。方是仁者之勇。定峰有大船歌。
爲宰相言也。此寶刀歌似爲大將言之。

曲池

偶尋芳草徑。又到曲池頭。此地曾經別。鴛鴦不復遊。

卷九

三

曬麥

三時甘雨盈。一只載籍甕。甕兩沾溼晴。暘麗天威赫。然
兼欲曬之苦。庭窄家人僉謀先。蓋藏老夫獨欲先。縹緗
小婦前致詞。請郎自忖量。前年苦連凶。舉家噉糟糠。橐
中麥可支。旦夕擁書千卷。竟何益。老夫含笑不能答。只
得置書先曬麥。

感慨處皆在言外。定兄有老悔讀書多之句。與此參
看。

所思

嘉魚恥濁流。好鳥愛高枝。泠泠延津龍。夜吼懷其雌。相

思苦易老，抱情將安施。願得一心人，白頭若新知。橫波蕩我愁，玄髮鑑我私。妙香解我醒，甘言療我癡。歡樂令歲長，一日爲百年。神仙耽幽寂，壽命苦不延。

論詩者動言時代升降，此等詩何處辨其時代，況升降乎。

劉韭行

磨干將，刈園韭，白日不見知，午夜何須氣。連斗恆星晝，懸天闇閉，黃鐘吞聲讓瓦缶。梅福上書空剖心，劉向傳經成皓首。君不見五侯多貴客，朱輪九衢走擁美人兮。飲美酒，死得美，諡兮骨已朽。

卷九

四

薺粟

薺粟薺粟，心驚膽裂，一刻別親，萬里赴敵。解怒風排山，鐵甲脆薄，冒雪移營，更度絕漠。二軍中友好，一戰一稀，與我同出，不與我同歸。三死爲燐，生爲侯，燐有白骨，侯無黑頭。薺粟動天天爲愁。四

蜃樓歌 佛致凌替叢林日多聚斂無厭而興作不已余作此歌爲民告哀佛如有靈必然此言

蜃樓高高百尺五綵炮燄耀天日，劔山填海碎金珠。鬼運神輸不暫息，千夫產萬夫力。漢家天子何寒酸，露臺卻爲黃金惜。一蜃樓兮百蜃樓，魚鼈沸騰鳥雀溺。蜃樓

高高百尺，驕人窟穴。勞人血，何時佛日照。蜃樓蜃樓處，
處當陽滅。

魏相國崑林先生云：高識可醒羣迷。

叢林之建以奉佛也，定峰欲以佛日照而滅之。此是

真善知識大棒喝語。

張西山先生曰：詩雖快人不及狄梁公一火。

明皇春燕圖二首

百斛沈檀爇御爐，氤氳瑞氣滿皇都。可知一夕笙歌費，
十郡鞭笞督舊逋。

深宮日日醉顏酡，塞外雲屯曳落河。教就梨園皆絕技，

卷九

五

可能絃管退千戈

富貴無相忘行

富不忘，但願同時饒。蓋藏貴不忘，但願同日封。侯王不
然，一先與一後。漆膠雖密成，參商君不見。鸞鳩奮起槍
榆枋，羽毛先豐譏鳳凰。

雪中雀

雪中雀，何悲啼。誰能上天去，訴帝云。汝飢徒飢，汝猶好。
鷹鷂苦不飽，官倉有粟多。繳矰枋榆，雖卑安汝生。汝不
見盤中雞籠中宿湯鍋，已沸猶啄粟。

六昔

昔猛虎獨負嶋。今豺狼遍通衢。昔鳩毒叫林麓。今鴟鵂踏民屋。昔貔貍擇肥食。今窮奇不遺瘠。昔稂莠生隰原。今荆棘入几筵。昔璠璣世所求。今瑚璉瓦礫儔。昔版圖天子拜。今億兆賤於芥。

張禹頭

張良錐。朱亥鐵。嚴將軍頭包胥血。合而鑄之三尺雪。入海屠獍龍。登天斷妖霓。非關上方賜。豈受張華識。願從絳灌取封侯。不願齷齪下斬張禹頭。

羅江東

乾寧才子誰巨擘。貌寢仙人天上謫。青春不作淮海壻。

卷九

六

白首猶稱吳越客。皇輿播越同仇稀。獨伸大義禡賊魄。當時若使早成名。一夕秋風白馬蹏。

邯鄲才人嫁爲廝養卒婦

淮陰城下信乞食。蕭何曹參事刀筆。亂世英雄多辱身。廝養何妨隱異人。毛遂定從由自薦。前此平原不識面。養卒於今續出奇。單詞載得趙王歸。趙王得國憑年長。未見奇謀勝廝養。雞鳴狗吠出函關。翻笑田文不用賢。飯牛屠釣俱可恥。書生持論每如此。可憐懷愍北轅時。舉世清談安用之。龍門草草遺名姓。邯鄲才人匪不幸。白頭老死武臣宮。何如嫁壻得英雄。

翻案處大爲養卒吐氣然去古似遠

有一美人

有一美人匪姬匪姜。纖腰影瘦。美口聲香。紫鳳導輦。蒼麟服箱。游戲天衢。出人帝鄉。心心合并。契我無涼。我欲從之。山修水長。天崩地拆。日裂月方。恆華合麓。與卿相忘。

葩經離騷皆以美人比君子。蓋寄託之辭。非粉白黛綠之謂。六朝以後。言情者皆指姬姜之流。下及倡樓狹斜。其爲情也淺矣。近日鍾譚諸人。又專推此等篇什。以爲風雅。彼何嘗夢見毛詩楚詞哉。

卷九

七

登高山

登高山望日。下翠釜團團。蓋華夏員嶠。三螺杵上蹲。黃河九點煙。中瀉蓮花峰。頭覓儔侶。鳳欲辭。鳳凰不許巫。山美女稱神仙。只解行雲與行雨。登高山望不窮。舉頭呼吸帝座通。願持一言謁天公。驕駟不落驚駘後。祥桑枯死黍稷茂。皋夔稷契皆長壽。

新婚別二首

三日別新郎。征衫若爲紉。不知幅短長。更向阿姑問。勿復悲嫁遲。昨嫁今已別。不若嫁遲遲。尙在父母側。

慈母機

寄友人
楚遊

慈母心中機。晝夜爲兒織。織得鬢邊絲。髮髮白如雪。瀟
湘千點雨。點點眼中血。兒卽早歸來。母髮不復黑。

廢苑 瑯琊 兗州園

蓋代才名在。連城廢苑荒。經過勞詰問。憑弔益淒愴。舊
蹟僧能說。遺規俗漸忘。耕犁非一姓。割據竟殊方。上客
冠裳地。佳人翡翠房。浴鷗仍曲沼。歸燕失雕梁。記出絲
綸手。詩垂錦繡腸。鳴鐘真絕響。衰柳尙成行。野老悲金
谷。騷人哭未央。簪纓成落落。弓劍總茫茫。巨室同興廢。
江流自阻長。夜寒風露溼。春老菜花香。綠埜追裴令。平
泉憶贊皇。千秋皆瓦礫。不朽是文章。

卷九

八

銅鎚歌

荆軻入秦捐乃軀。留侯徂擊中副車。朱亥擊鄙鄙無罪。
段公戮泚泚不殊。英英玉將軍。精誠貫斗墟。銅鎚一揮。
賊腦裂。朝班肅淨煩苛除。笑譚自縛赴司寇。後世必有
董狐書。奸邪敗露天子悟。剖棺戮孥無逋誅。一家哭。四
海喜。殺身成名偉男子。吁嗟乎。茫茫九原呼不起。銅鎚
龍躍延津水。

老女四首

深閨寂寂鎖青春。底事神仙第一人。莫捲珠簾看暮色。
落花狼籍草如茵。

阿妹新婚赴綵樓，銀缸獨對不勝愁。心如火井三冬熱，腸共迴波九曲流。

照罷菱花祇自憐，嗔他燕燕戲簾前。不因歲晚添惆悵，可惜深閨閉少年。

簫鼓喧填遍六街，尋常兒女易逢媒。幾人貯得黃金屋，畢竟還輸弄玉臺。

四詩哀惋多怨，末一首仍是夷然，不屑本色。

鄧大夫舟怨

大江限南北，波濤接天流。人生無羽翼，安居好白頭。是誰剗木成方舟，方舟行行何速。郎從水中去，妾夢不在

卷九

九

陸夢數歸帆，醒渺然。簾外蒲葵相向綠。

灌夫將軍

灌夫報父讐，義聲播六服。積官至九卿，玉食擬黃屋。富以千萬計，豈盡繇爵祿。舉宗橫潁川，窮簷萬家哭。賓客多奸人，虎狼作童僕。殺人不須償，傷人莫敢鞠。酒失忤武安，一朝赤其族。上帝實假手，太滿必傾覆。齷齪里中胥，助紂竊威福。一家極奢豪，千里空杼軸。橫踰灌氏宗，行道側其目。側目視潁川，潁水濁如黷。

廉相公

廉相公，廉相公，朝餐脫粟夜布被。官居鼎鉉甘貧窮，一

清之外無他事。鴻哀牛喘如盲聾。君不見二十四考中
書非伴食窮奢竭。欲稱英雄。

祈雨詞

三時不雨三農苦。雨師祠前晨擊鼓。鼓聲轟轟神不聞。
巫傳神語上帝怒。龍眠雷默江湖封。赤日團團烈如火。
噫嘻吁。早荒荒殺南畝民。干帝怒者彼何人。

農桑悔

漢家文景惜物力。璽書歲歲勸耕織。不道農桑解誤人。
男飢女凍空酸辛。通都大賈住金屋。馬曠膏梁犬食肉。
平康嬌女不拋梭。被牆纏樹皆綺羅。錦衣玉食無官稅。
鞭笞只打農桑背。十家穀種九家空。徒勞布穀催牆東。
焚機折耒斫桑樹。吾將舍爾他州去。

銅雀妓

白蛇久斷赤龍仄。火精奄奄迹欲熄。皇天厭亂降偉人。
託名漢相實漢賊。漢賊漢賊天下才。羣雄斬艾如蒿萊。
手挾六龍制六合。賦詩橫槊何雄哉。崇臺聳峙漳河畔。
無數行人回首看。韓彭誅滅絳灌囚。能臣不復稱安漢。
總帳春深鎖啼螭。二喬穩坐吳宮中。壯心不已寄兒女。
短歌奇崛開心胸。奸雄世世圖王霸。屈指人人出公下。
香分履賣欺千秋。白頭老妓都休嫁。晨昏上食如常儀。

游魂恍惚冀遇之。死者無知安用此。大招小招空爾爲。若其有知董妃伏后久相待。詎有容君仍住茲。君不見白帝城中敕後主。善小惡小無私語。又不見五丈原頭夜出軍。誓燔爾骨酬先君。漢君漢相較漢賊。如龍如鬼迥不羣。三馬同槽施毒手。一坏一撮非君有。只有斯臺久屬君多情。狐兔爲君守。吁嗟往事不足論。功蓋天下難純臣。高臺豈便累盛德。汾陽亦是窮奢人。

折楊柳四首

樓頭望阿郎。願作樓外柳。爲郎作馬鞭。遠近繫郎手。爲郎作馬鞭。鞭郎玉連錢。長安千里路。教郎一日旋。

卷九

十

莫倚舊鞭好。處處生柳條。今夜玉連錢。穠秣誰家槽。鞭梢已成絮。零落隨風飛。願入秦家樓。殷勤上郎衣。

此調在晉爲兵革勞苦之詞。與楊柳依依之旨尙近。至于鱗變爲久成。今定峰則作閨思。未知何本。要之新聲代變。取其雋永耳。

定峰樂府有全用古題者。地驅樂歌。子夜歌。清商曲之類。有自我作古者。圮橋胯下燕王旦歌之類。有直詠本題者。穆天子。楊白花。昭君之類。而借古題發新意者尤多。縱橫曲折。無不匠心。令人歎爲觀止。

定峰樂府

卷十

孔明廟前有古柏

亭長植根代王培土種此靈苗四百年後爲棟爲梁以
楮衰朝生雖匪時跨荆踞益托根則遙權蠹其中丕斤
其外風雨飄颻銅鐵爲膚虬龍作幹捧日干霄魏社已
屋吳宮久墟柏壽迢迢地老天荒星移物換此柏後凋
別耶報耶二首

別耶十年來聞道髯如戟昨夜夢中逢形容猶似昔
報耶恩命下移鎮鎮揚州漫歡歸路近此地有倡樓

卷十

九星歎

貪狼稱吉神廉貞號凶曜可憐天上星亦殉時人好

前溪歌二首

河水僵不流高樓增莫寒雪消松柏枝兩木未曾乾
愁闌夢難安憶耶常徹夜金井轉轆轤辛苦長繩下

杞宋操

樵吾之所能兮山無斧柯漁吾之所能兮川無網羅夏
兮殷兮如此杞宋何

真善寫聖人心事歌亦神吻逼肖

丹鳳

丹鳳慵來廷，翱翔去天表。本無遺俗情，似惜友朋少。歲
精不遊郊，神鱗亦去沼。誰能啣稞粒，偃僕侶凡鳥。和音
自嗜嗜，逸翮已矯矯。翹首睇丹邱，紫炁何縹緲。

夜愁

人怯夜愁，馬喜夜草。夜草馬肥，夜愁人老。解一枕上計愁，

愁以千計，起來告人百無一二。解二吾生幾何，與愁爭壽。

稽首告愁，尋我於晝。解三愁曰噫嘻，請與若絕。不脛不翼，

我安能若卽。解四

菡萏曲

菡萏無心物，今年亦可猜。明知郎去遠，故作並頭開。

卷十

二

楚才歎為罪輔楊
武陵作

能臣在朝內政理，才臣在軍外患弭。威稜鎮物肅紀綱，
慷慨登壇新壁壘。何必山東與山西，救時將相楚人子。
維楚有才晉殺之，潢池弄兵紛紛起。潢池起，天下裂。出
將入相任國賊，楚人得弓楚人失。

霖雨歌

帝設晨朝朝建章，旱魃抗疏誅句芒。帝顧盈庭問誰是，
魃黨眾盛魃言昌。句芒免冠觸階哭，寧殺微臣無殺穀。
願斂炎煇赤日威，普施霖雨蒼生福。一雨滋穀葉，再雨
沁穀心。三雨穀根固，根固不愁螟螣侵。處處刈禾歌帝

力帝顧句芒爾言直。魃罪應死赦不誅。姑向田間殺螟
騰。

稿苗得雨歌

稿苗稿苗。爾不必有柳之柔。花之媚。木槿之榮。蒿矢之
銳。飽飫九州養萬類。爾之榮兮天下榮。爾之瘁兮天下
瘁。父得爾而宜家。君得爾而正位。暫時爾稿帝心悔。雲
祁祁。雨沛沛。枯枝萎葉化嘉穗。珠玉村村滿陌阡。管絃
處處鳴溝澮。天子垂衣裳。萬方生養遂。歎息稿苗天下
瑞。瑤草琪花那足貴。

天無私

卷十

三

我聞天無私。似私中秋月。一樣魄團圓。精光獨飛越。我
聞月無私。似私中秋夕。長空無片雲。萬里驚積雪。天心
月心勸人醉。誰能叛月閉門睡。今宵若放金尊空。華山
移置嵩山東。

雪兒歌

二八雪兒全勝雪。歌舞隊中推第一。矍鑠老翁七十餘。
自誇新受長生術。翠襖紅裙換女妝。櫻桃夜接口脂香。
平添白髮三千丈。閒殺金釵十二行。雪兒專房翁益老。
人間那得安期棗。縱然丹藥解還童。爭似齊眉同伴好。
瞥見前魚掩泪痕。千秋萬歲承君恩。君不見秦宮一生

花底活今日荆綦塞墓門

萬鈞弩

列戟天開建軍府。風爲號令雷爲鼓。水有鱷。山有虎。不見不聞等聾瞽。有時一發萬鈞弩。偏向田間斃鼯鼠。虎歡忻。鱷鼓舞。水陸珍羞貢郿塢。

列仙行

死若可錢代。天下皆富人。仙若可勢求。天上皆貴人。富貴不免死。貧賤何足恥。君不見秦皇采藥死。沙邱少翁改事漢天子。

吳宗伯

名鍾。晉常州人。令嗣公及屬題遺像。

卷十

四

昔有陸秀夫。國亡赴海水。後此四百年。吳公繼其軌。陸公背上負天子。吳公那得帝同死。先師木主天並尊。孤臣骸骨願同燬。丹心浩氣不可畫。此圖畫得鬚眉耳。吁嗟乎。死水死火死不同。吳公陸公共青史。

淮南王

淮南王。師八公。神兵欲墮長楊宮。妻孥共棄長安市。雞犬卻在青雲中。神仙技倆真易窮。漢廷還畏汲黯忠。發蒙振落公孫弘。

漢使別

子卿歸去黯消魂。陵母。陵妻。一不存。獨灑西風。數行淚。

遙從蠶室弔龍門

龍門以救李陵下蠶室安可無此一淚一弔以謝知己哉說得入情入理

行路難

山上水山下流溝渠湖海不自由欲歸故山歸不得何不亭亭山上頭行路難行路難馬騰騰車斑斑願跨虎腰入虎穴飢餐虎脯渴飲血

羽林郎

白羽如茶赤羽火繡帶飄搖自成伍遊戲中堅獲首功不用彎弓并殺弩鳴金鏡擊畫鼓赴敵羊索餉虎捐軀

卷十

五

百戰爾徒苦纍纍侯印還屬我觀軍容使我軍主

西河慟

有引

西河慟慟季兒也兒名晉字桐昉少穎悟好學年二十許所著書已數十種凡天文輿地經史

諸子多貫穿能言其故小沙子讀史大略一書

尤有卓識蓋銳志紹承家學故凡事效余所爲不知余蓋積四十餘年之勤猶未能底於成兒以嬰穉欲速宜其憊也生有至性孝友天植母

周氏病甚刲股肉療之者再創甚幾殆少嗣叔

三卿母孀叔欲以嗣故強之應試晉號慟不官

曰一衿幾何忍忘母乎輿論皆多之服闋以第
一名遊庠時歲額僅四人人以爲孝子之報晉
欽然不以爲喜作文告母其辭極哀與兄震同
館王氏盛暑中震父子同染疫館中僮僕皆駭
避晉衣不解帶臥不貼席晝夜謹視之踰月病
良已震泣告於余曰三弟聖賢位中人也仲兄
豫病足不能行晉抱持臥起下至園踰穢瑣之
務咸躬親焉閱年餘無倦色余頻年遠游每修
書寄余必焚香再拜而後發其接余書也亦然
感學使者劉木齋先生知遇恩爲偕宗頌以獻

卷十

六

設木主 先師座側晨夕展敬不苟言笑動必
以禮寡交遊惟與夏敦義及族姪際燾友善敦
義與晉同進際燾則繼晉之後亦以第一名入
泮者也三人者以文行相砥礪敦義前死晉與
際燾哭之慟晉死際燾哭之慟未幾際燾亦亡
陳克艱先生有祭三君子文讀者爲之涕泗傷
哉晉娶於陶二女皆殤歿之日中外識與不識
莫不痛而惜之卽爲父者可知已晉歿三年始
作西河慟一詩哭之因歎昔人哭子喪明旁觀
者或議其過蓋有不能自己者而未易告人也

宜顯也。胡爲藏。宜壽也。胡爲殤。藏於生。單寒。殤於學。聖
賢能文章。死三年。兮酬一觴。撫爾琴。絃欲斷。匪絃之斷
斷我腸。晉好琴遺
琴在几上。

張留侯

萬事盡鬱鬱。雜秦空副車。因知力士技。不及老人書。漢
鼎從容定。韓讐次第除。斷蛇無赤帝。生計老樵漁。

責躬詩五首

六十誕辰客青州署中
賦呈張西山老夫子。

天長而地久。吾生亦須臾。墮地爲男子。百憂叢一軀。在
冉六十年。毋乃太區區。少壯不復來。恆與憂患俱。武公
登耄耄。矇矓警抑隅。秉燭念前芳。願言勗桑榆。

卷十

七

造化眞平心。豐儉有定理。巢棲不狎淵。予角奪其齒。析
圭關內侯。珥筆柱下史。古來幾人兼。況復田舍子。灼灼
西陵花。朝發夕已萎。蹉跎感天心。緼袍何足恥。先師有
懿訓。不辱在知止。

阜帽踞木榻。葛巾漉濁酒。一室自黃虞。浩然塞九有。古
人豈不賢。所悲厄陽九。丙穴懷鱗魴。三星空在留。桃源
有逸民。魏晉成做帚。登歌雜砮砮。大璞寧不剖。何必生
同時。千秋結良友。

昔我年四十。顧盼殊自豪。垂雲渺天池。九萬凌波濤。彼
時亦何恨。所恨負劬勞。及今二十年。歲月徒滔滔。舊日

赤松子青齊建旌旄推食分盤飧解衣贈綈袍豈特愧
生我勞心增忉忉古調世不賞入耳徒喧囂元音貴知
希爲公奏雲璈四十誕辰客先生家有治鐵一詩屈指二十年矣

我昔家三山百代無干支琪葩遍園林蒼麟守階墀三
五老弟昆雲端羨遊嬉憫我困塵勞相邀飧紫芝豈不
念舊侶遷謫固有期雲泥一以隔感爾猶相思相思何
所爲低眉了殘棊安得棗如瓜療此蒼生飢

江城鬱鬱

壽陸天
濤父母

江城鬱鬱騰紫煙中有仙令王子年雙鳧翩翩朝上天
一解上天仁明眷我邦族有星燦然錫我民福星奚氏氏

卷十

八

日陸二前早魃後天吳公來暮民將枯微公來枯曷蘇
解三旌踴躍倪奔走酒在樽碑在口祝君子壽四解

快戰詩十二首

軼四首

戰勝者多矣詩止十二首何也必其以寡勝眾

以正勝邪於危急存亡之秋不必勝而忽勝摧

百戰難摧之敵成千百年未易成之功而天心

世局於此轉移故詩止十二也此十二戰者每

一念至輒爲之神王興揚擊節鼓舞如遊瓊宮

如閱天險如獲希世異寶如覲絕代佳人卽其

智計由我而成功名自我而立亦不過如是之

快而已若乃羣雄逐鹿並帝爭雄或開基而所向無前或好大而揚威殊域無關九州之大計不暢千古之公心者雖復伏尸百萬拓地千里皆戰之常不足道也後之君子讀快戰十二詩飢忘食倦忘寢醉以解醒病以已疾詩雖不工所以貺萬禩者厚矣

牧野之戰 受用眾武用少會朝清明詩美鷹揚矣不知朝歌宮中先屯有蘇氏之大將也將如張睢陽岳忠武猶有不能成功者有蘇氏之將居宮禁以佐敵國未有不以功名終者也將

卷十

九

將者念之哉

周鼓騰騰商鼓死太白一麾失天子佐周滅紂有妲已從來傾國畏女戎奇兵早踞朝歌宮渭濱釣叟非元功
邯鄲之戰 侯生勿晉鄙雖公子不破秦無歸路矣豈惟公子無歸路邯鄲舉而五國繼之嬴氏將帝遑待呂氏哉存趙以存六雄且使秦王枝殺白起以雪四十萬人之憤魏公子真人豪哉燕太子志可哀也顧才不逮耳

王齕勝邯鄲舉嬴將帝不待呂破秦存趙憑偏師虎符無恙還如姬當年此戰若不勝晉鄙幾作樊於期

鉅鹿之戰。吳少誠之踞蔡州也。民有以酒食
那其百過從者死。主師破賊人慶更生。秦法之暴。豈止
什百少誠。天下苦秦久矣。向非沈船破釜。挫其
百勝餘威。壁上觀戰。諸公誰足當王離。涉間者
快哉。重瞳公鉅鹿一戰也。阮秦子弟。或者尤之。
不知秦自三十年來。禽王滅國。其間殺人父兄。
辱人婦女。掘墳墓而焚廬舍者。大約此二十萬
人爲之。不則二十萬家之祖父。昆季。姻婭。族屬。
重劉對也。聚而阮之。以雪齊楚韓魏燕趙之憤。殺人之
將而供中。又有功焉。蓋羽者千古英雄。非一代帝王也。
沈而舟破。而釜章邯遁。王離虜棄。灰偶語慶更生。誰道
重瞳愧湯武。

卷十

十

昆陽之戰。莽有九有。漢僅一城。竭九有之全
力以攻一城。而反爲所敗。前此未之有也。是戰
也。設奇制勝。斷自聖衷。雲臺諸公弗與焉。褫莽
魄。恢漢基。繫此一舉。快矣哉。微劉將軍小敵怯
大敵勇。深沈不測。而出以謹厚。安得此千古快
事。庶幾一成一旅。可並美焉。其他非所望也。

雄兵百萬圍彈丸。泰山壓卵。卵詎完。絳衣一戰。梟尋邑
成敗死生在呼吸。漢軍踴躍奉更始。莽身雖存。莽心死。

小怯大勇真英雄。天子猶在塵埃中。

赤壁之戰。鼎足之勢。至此戰始定。此戰不勝。操不能不以西伯終矣。操之赤壁。溫之枋頭也。使劉裕伐秦。大敗而還。彼安敢篡晉哉。

會獵東吳。繫權頸。亮謀鼎足。操不肖。繞樹君臣。安所逃。戰勝歸來。移漢鼎。舳艫千里。煙飛空。二喬安坐深閨中。三江此夕。無東風。獻帝蚤作山陽公。

河陽之戰。郭汾陽。李臨淮。渾咸陽。馬北平。李西平。五王者。皆有極快之勝。勝矣。往往乘勝之策。令人扼腕。反不若未嘗勝者之無所可惜也。

卷十

十一

河陽一戰。雖曰武功第一。顧臨淮。所以致此勝者。亦良苦矣。將帥勝諸原。宦寺敗諸朝。唐之爲唐。所以不振。僅錄斯戰快之中。不無憾焉。

牝馬繫。強敵走。韓中置短兵。誓不死賊手。臨淮辦賊縛。有餘。何用監軍。掣其肘。觀軍容。使若在軍。三度颯旗。亦何有。

夾寨之戰。克用以鷓軍。走黃巢。再造唐室。殊

大快事。何以舍之。而詠夾寨也。溫之罪。浮於巢。而溫之憚。亞次也。不如其憚。克用克用死。賊溫

泰然。自以爲無敵。天下子孫。帝制莫子毒已。亞

次練墨誓師誅符道昭破夾寨使賊温臨食失
箸有吾兒豚犬之歎其快甚於破巢然則趨大
梁戮友貞洩千古之憤較諸夾寨之捷不尤快
歟沙子曰斯時也温死矣

晉破寨温破膽克用爲不亡吾兒眞豚犬豚犬包藏梟
獍心聚麀敢望延殘喘老賊萬段猶恨晚友珪礪刃剗
爾腸勿憂晉絳憂蕭牆

曹武惠王江南之捷三代而下不殺一人而
平一國者僅一見之武惠耳不殺一人而平一
國快孰甚焉故系之卒章以望後之希蹤武惠

卷十

十

者或曰伯顏下江南不殺一人與武惠同余曰
伯顏屠常州百萬之眾嬰穉不遺曹翰江州不
是過也常州非江南地乎別有詩曰莫將功罪
謗前人青史傳來幾字眞屠盡常州人百萬伯
顏猶是比曹彬

市不易肆民不荷戈一代元勳千古令模百萬生靈夾
道歌封侯何必殺人多

十二戰足概古今快事余尤愛前一總序洞見用兵
要領諸小序皆具千秋法眼而行文古藻錯落使讀
者欲歌欲泣拔劍起舞不能自己

詩名快戰而終以不殺人之武惠仁人之言可寶于古。

十二詩而軼其四令人想念不置。

題樂府之後

古調從來不易知誰將一字作吾師高山流水依然在欲買黃金鑄子期。

定峰著述甚富其生平苦心在讀史大略自開闢至元末六十卷稿凡十易字字創闢為古人別開生面無一語雷同昔人又有詩文數千百篇貧不能刻此刻出陸天濤父母蠲俸授梓吉光片羽也篇末一詩

卷十

可以見其志矣

賦一語

元末六十

立初著述甚富其生平苦心在讀史大略自開闢至

刻買黃金鑄子期

古賦論宋不長賦編錄之字亦吾洞高四流亦對然亦

賦樂賦心錄

十二篇而題其四令人想念不置

古

詩名快戰而終以不殺人之武惠仁人之言可寶于

定峰軼詩

附刊

甲子年山左雜詠

山左名勝如林未能遍歷白客秋屏楊先生濟

南泉署七月以後從西山張夫子於青州聞見

所及各賦一詩積之得二十首後有續詠未可

知也

千乘城

即濟南郡城泉署中日與相對

一片春容萬堞遮欲尋高處望天涯雙峰江上青連岱

細草城邊綠到家隱隱歌鐘來隔院逢逢畫鼓散官衙

附刊

劇憐桃李開無數獨對青銅數髻華

歷山舜廟

相傳即于田號泣處

纍纍陵寢半荒邱俎豆空山不紀秋天子幾人兼廟食

神靈百代軫民憂經春鹿豕游堂陞入夜夔龍拜冕旒

底事尙餘號泣意悽風晨夕拂松楸

千佛寺

在千佛山鑿石成千佛像故名僧某頗堪與語

鹿鹿紅塵羨爾閒客來也覺暫開顏飢驅黃犢耕雲去

懶倩蒼猿洗鉢還住得一僧山更遠琢成千佛石仍頑

歸途自笑緣何事老向官衙學閉關

釣突泉

在歷城爲七十二泉之冠

七十二泉推第一二千里路特看來天空六月長飛雪
水怒三冬尙震雷觸蟄似驚龍奮迅凌虛欲下鶴徘徊
濯纓漱石堪投老慚愧甘泉作賦才

壽

斟灌斟尋

今爲壽光縣界

壽光城外草芊芊餘燼追思復夏年得志邳任縣漢歷

捐軀眞杲補唐天連衡計就風雲壯夾輔功高日月懸

自古豐枝還衛幹藏弓烹狗劇堪憐

三君墓

齊桓公景公宣王墓俱在青州有碑記

大菴蒲去館

傳聞賜履跨方州二姓三君此一邱敢道姜田無令主

還因孔孟誌賢侯墓田冷落牛羊過家樹凋殘鳥雀愁

附刊

二

非附青雲誰不朽漫云千駟足千秋

望海臺

秦始皇以侯仙者在諸城

一海寬散美田燕令主

望海臺荒時海濱神仙不數瀉池君扶蘇謫去誰堪問

徐福歸期杳不聞今古長城同岫岬東西王氣自氤氳

當時若有延年藥親見阿房被火焚

田橫島

在卽墨海中五百人自到處

夏平縣志

羣雄逐鹿半消亡亭長臨軒坐未央恥其樊鄴同拜舞

危看信越號侯王英風震撼濤聲怒俠骨嶙峋石髓香

誰道齊亡無寸土海中孤島地天長

諸葛城

武侯故里在沂州

天宮六月

阿瞞已作兗州牧此地空留諸葛城不爲三分扶漢胃
便從十畝老躬耕身歸帝闕看吳魏氣作天河洗甲兵
應是尼山餘間氣肯教管樂共功名

賈充墓

在壽光張孫社遺碑尚在

荒墳寂歷棘荆叢典午爭推第一功紙上姓名螻蟻骨
天家封樹兔狐宮傷心地下逢成濟坦腹牀頭愧李豐
過客不須頻笑罵魏家蝨賊漢廷忠

五龍口

在益都劉裕決渠水以困廣固慕容超就擒

拜表朝聞奏石頭王師夕發下青州山踰大峴英雄喜
水決龍渠士女愁神器有歸移典午義旗失計戮王侯

附刊

三

宵人也有安邊策踞險曾聞拒五樓

法慶寺

在青州城外寺中菊花盛開

火芋何心訪懶殘深秋風景足盤桓渡淮青草猶難見
入寺黃花敢厭看從事不來誰破寂布衫新製好禁寒
自嘲戢翼同籠鶴今日方知野趣寬

眠雲洞

在青州之廣固雲門山洞有石牀上鐫希夷臥像

謾謾松風六月涼希夷留得臥雲牀蓬萊水淺仙容老
廣固城遷伯業荒花徑竊香蜂拜爵苔階勝敵蟻開疆
紛紜五季無窮事一枕華胥歲月長

范公泉

文正守青州醴泉湧出可合藥療病今在祠中

東國謳思千載餘南人作相竟何如天章閣上新封事
長白山中舊讀書喬木根深分闕里醴泉澤遠漑橫渠
民間尸祝尋常事侑食宮牆恨久虛

松濤書院

沂國王文正公會徵時讀書處在益都

不以三公易飽溫沂公會此掩衡門芟除莠草科名重
賦就梅花相業存誦讀早關天下計蘋蘩豈止一朝恩
齊名亦有王文正遺恨天書誤至尊

鐵尚書廟

祀建文朝忠臣兵部尚書鐵公名鉉

皇帝臨軒賜寶弓上公血戰蔽山東王師乞乞難摧敵
天意明明忌立功几杖不消吳淠恨參夷翻報亞夫功

附刊

四

平原亦有尙書廟成敗雖殊祀典同

心寺

在青州明商河捨家修建

桐葉槐柯共渺茫轉因修寺誦賢王荒臺覓主疑朝露
古殿何人問夕陽冰曲石渠魚入定飯分香積鳥先嘗
老僧解說開元事不約頻來過講堂

奇松園

衡藩慶苑以松得名

亭亭翠蓋偃蒼龍名冠朱虛舊邑封此日尙能知慶苑
他年不信有奇松竹梅若待稱三友雨露無私自九重
閱盡滄桑忙歲月蓬萊還憶最高峰

青州城樓

雪後登眺

迢遙八表戴堯天，絕勝秦碑紀績年。四履封圻三尺雪，
一州生聚萬家煙。羽林校獵羣狐盡，橫海焚船巨鱷眠。
此日洛都饒勝事，珊珊步障正紛然。

勞山

在卽墨三面入海
仙靈之所窟宅

崔巍天半截長空，不用乘桴駕閩風。山割一隅通俗界，
水環三面衛神宮。何須橘井稱方外，疑是桃源在此中。
最愛曉來看日出，鯨波萬頃一輪紅。

附刊

五



星交湖水香日書... 萬里一輪...
水環三面衛神宮... 何須橘井稱方外... 疑是桃源在此中...
最愛曉來看日出... 鯨波萬頃一輪紅...
此日洛都饒勝事... 珊珊步障正紛然...
一州生聚萬家煙... 羽林校獵羣狐盡... 橫海焚船巨鱷眠...
迢遙八表戴堯天... 絕勝秦碑紀績年... 四履封圻三尺雪...

江陰沙定峰先生之元孫曰約泉佐子視豫學出先生所爲樂府示予予讀而驚曰先生其邃於史學乎約泉曰然因言先生有讀史大略六十卷平生精力略盡予乃歎實大者聲宏先生惟貫穿古今乃能馳驟騷雅宜其沈著痛快吞曹劉而壓元白也爰跋數行敬志高山之仰云

嘉慶十一年歲次丙寅夏五月歛後學鮑桂星跋

跋

嘉慶十一年歲次丙寅夏五月歛後學鮑桂星跋

之仰云

其大者聲宏吞曹劉而壓元白也爰跋數行敬志高山

乃歎實大者聲宏先生惟貫穿古今乃能馳驟騷雅宜

曰然因言先生有讀史大略六十卷平生精力略盡予

乃歎實大者聲宏先生惟貫穿古今乃能馳驟騷雅宜

其大者聲宏吞曹劉而壓元白也爰跋數行敬志高山

定峰先生樂府曩嘗得舊鈔本謀付梓惜多譌脫金子
石如從穀孫柳丈處假得原刻本互勘一過篇帙完備
因與同志效漢碑出錢例集貲重刊鈔本多山左雜詠
二十首鮑覺生侍郎一跋并埤入焉常熟嚴
嚴廷翁琳孫謹識

跋

二十首賦贊王計祖一類代世入紙常懷

因與同志效漢碑出錢例集貲重刊鈔本多山左雜詠

二十首賦贊王計祖一類代世入紙常懷

因與同志效漢碑出錢例集貲重刊鈔本多山左雜詠

族祖定峰先生樂府前邑令陸公天濤曾蠲俸付梓閱
時既久鐫板散佚印本亦不多得嚴子吉士翁子粹夫
偶得舊本恐久而湮焉遂與同志集貲再刻先生所著
讀史大略六十卷鄂省官書局刊行文集雜著卷帙尙
多有踵事而起者搜羅遺亡先生著述不難盡顯於世
當拭目俟之矣光緒戊戌四月族孫貢瑒謹識

跋

一

流知目列之矣夫辭文其四民刻紙
送有制準而賦詩對聯數之衣主善
窮史大綱六十卷將官官書局刊行
和史大綱六十卷將官官書局刊行
刻而並刊我主樂刻而邑令公天濤曾蠲俸

校閱姓氏

常熟宗廷輔子贊

同邑柳寶詒毅孫

昭文秦鴻文士衡

祝彭齡如南

黃振元慕庵

同邑顧鍾源柯園

顧翰英潤石

常熟蕭麟徵毅如

金鶴翀叔遠

姓氏

夏鈞貽重

金清桂石如

翁永孫慎夫

同邑顧重感柯園

黃進元慕凱

謝汝備眼南

同邑秦謝文士澗

同邑顧寶詒毅孫

常熟宗廷輔子贊

校閱姓氏

校刊姓氏

吳縣程炳泰通夫

昭文徐元霖文清

常熟沈汝瑾公周

楊同元獻叔

金鶴翔展青

沈朱軾雅卓

丁祖蔭芝孫

潘任毅遠

張保臨君宜

姓氏

震澤吳燕廈師遷

昭文張玉用舟

陸應銓學章

常熟嚴廷吉士

翁琳孫粹夫

族孫貢璆藹士

毓瑾子瑜

不意春日青成
蘇州秋風
三



